

На основи члена 6. пасус 1. и члена 9. Одлуки о вименкох Одлуки о додзельовану припознания "Др Дьорде Натошевич" ("Службени новини АП Войводини", число 10/2010), Покраїнски секретарият за образование, управу и национални заедніци розписуе

К О Н К У Р С
за додзельованє припознания "Др Дьорде Натошевич"
за школски 2013/2014. рок

I

Право участвовац на конкурсу за додзельованє припознания "Др Дьорде Натошевич" (у дальшим тексту: Припознанє) маю предшколски установи, основни и штредні школи зоз шедзиском у Автономней Покраїни Войводини и воспитаче, наставніки, педагогове и психологове заняти у тих установох.

Прияву на конкурс можу поднесц самостойно предшколски установи, основни и штредні школи, наставніки, воспитаче, педагогове и психологове у тих установох, або их за додзельованє Припознания можу предложит школяре, родичи, органи локалней самоуправи, фахови здружєня и други правни и физични особи.

Учашнік на конкурсу, односно предкладач подноси докази о виполньовану условийох з конкурса.

Докази о виполненосци условийох и прилоги гу прияви подношитель доручує у целосци у електронскей форми (найвецей на 3 DVD або 5 CD-ох).

II

Припознанє ше додзелує за окремени резултати витворени з применьованьом сучасних методох у воспитно-образовней роботы и настави, у предходних двох школских роках, на подручох: предшколского воспитаня и образования; настави; роботы з талантованима дзецми предшколского возросту и талантованима школярами, як и з тима цо заоставаю у звладовану змистох воспитно-образовней роботы и змистох наставней материй; шлєбодних активносцох з дзецми предшколского возросту и школярами; фахового усовершованя воспитачох, наставнікох и сотруднікох; професионалней ориєнтациї школярох; сотрудніцтва з родичами; културней и явней діялносци и сотрудніцтва з узшу и ширшу дружтвену заедніцу; руководзєня, организоваия и обезпечованя квалитету роботы установи; унапредзованя толеранциї и прилапйованя розличносцох, инклузивного образования и у других обласцох у рамикох основней діялносци установи.

III

Діловнік о роботы Одбору за додзельованє припознания "Др Дьорде Натошевич", з подручами роботы и елементи за вреднованє посцигнутих резултатох за додзельованє Припознания, ведно з формуларами за прияву на конкурс, доступни на интернет-адреси Покраїнского секретарияту за образование, управу и национални заедніци www.puma.vojvodina.gov.rs.

IV

Приява, односно предкладанє за додзельованє Припознания по конкурсу облапя: податки о предложену або приявеному кандидатови (предшколскей установи, школи, воспитачови, наставнікови, педагогови або психологови); основни податки о предкладачови; прилоги и податки о посцигнутих резултатох у школским 2012/2013. и 2013/2014. року, за każde подруче образовно-воспитней роботы хторе ше вреднує, у складзе зоз Діловніком о роботы одбору.

V

Конкурс отворени од 1. септембра по 30. септембер 2014. року.

Неблагочасни и неподполни прияви ше не будзе розпатрац.

Прияву, односно предкладанє за додзельованє Припознания, з доказами и прилогами, доручує ше Покраїнскому секретарияту за образование, управу и национални заедніци по пошти, на адресу: Покраїнски секретарият за образование, управу и национални заедніци, Булевар Михайла Пупина 16, 21000 Нови Сад (з надпомнуцом: за Конкурс за додзельованє припознания "Др Дьорде Натошевич").

Шицки додатни информаций мож достац на телефон число: 021/487-41 83.